



**Erasmi a Chokier Tractatus absolutissimus de
iurisdictione ordinarii in exemptos, deque illorum
exemptione ab ordinaria iurisdictione**

Mvltis Pontificvm Decretis, Et SS. Congregationis ... Cardinalium
Declarationibus illustratus ; omnibus in iudicio Civili & foro Ecclesiastico
versantibus perquam utilis ac necessarius ; in duos tomos ab ipso Auctore
distinctus

Chokier, Érasme de

Coloniae Agrippinae, 1684

21. Qualiter intelligenda sit consueta hæc clausula. Quatenus sunt in usu,
& sacris canonibus Conc. Trid. non adversantur.

[urn:nbn:de:hbz:466:1-61886](https://nbn-resolving.org/urn:nbn:de:hbz:466:1-61886)

QV AESTIO XXI.

Qualiter intelligenda sit clausula, Quatenus sint in usu, & sacris Canonibus & decretis Concilij Tridentini non adferentur.

Solutionem huius quaestionis nobis praebet Hieronymus à Sorbo in annotationibus ad Alphonsum à Casarubios de privilegiis minorum ordinum ad Bullam Clement. 7 editam anno 1526. Maij 30. & ad verb. privilegia Fratrum. Cuius verba hic referre non pigebit. Advertendum est (inquit) quod dum in hac clausula dicitur sacris Canonibus & decretis, non est intelligendum ut aliqui male sentiunt de sacris Canonibus summorum Pontificum in decretis & decretalibus contentis, sed de sacris Canonibus & decretis Concilij Tridentini cum clare pateat ipsum Concilium & Canonibus & decretis constare & illud operetur illa clausula, & coniungendo Canonibus & decretis Concilij Tridentini ideo male sentire mihi videntur qui aiunt sub illa particula Canonibus intelligi decreta & decretalia summorum Pontificum & sub illa alia decretis Concilij Tridentini ea quae sunt in Concilio Tridentino & quod proinde nulla aut paucissima remaneant privilegia & ita esset aequidem si haec illorum valeret opinio, sed quam sic absurdum & à mente & verbis Pontificum alienum nemo sanæ mentis non videt dixissent enim si intelligi voluissent de decretis & decretalibus, Quatenus sunt in usu & sacris Canonibus summorum Pontificum & decretis Concilij Tridentini, Ita ille.

QV AESTIO XXII.

Exemptio an extendatur ad Ecclesias futuras seu postea aedificatas?

Discutunt hunc nodum varijs in locis Doctores late Iason l. si stipulatus fuerim §. cum stipula. num. 9. fol. 108. ff. de verb. oblig. in l. si ex toto num. 11. fol. 22. de leg. 1. l. qui sibi abus numer. 15. fol. 42. ff. eod. Abb. cap. cum capella. num. 5. de privileg. Guid. quest. 489. num. 1. & 3. Castr. l. si cognatis num. 3. ff. de reb. dubijs Faber in Rubr. C. de sacros. Eccles. & in l. si quis C. quæ res pign. Castr. l. in bemus numer. 8. C. de sacros. Eccles. C. neo Auth. omnia privilegia C. eod. lo. dilect. de arte testandi lib. 6. cautel. 10. Qua de re aibi satis scripti, nolens eadem tædiola prolixitate repetere v. supra li. l. ca. 37. & 38.